

Broj: 09-45-925/23  
Sarajevo, 27.03.2023. godine

Bosna i Hercegovina  
Federacija Bosne i Hercegovine  
**PARLAMENT FEDERACIJI**  
**SARAJEVO**

Primijeno: 30-03-2023			
Org. jed.	Broj	Priloga	Vrijednost
05/1	02-	75/23	

**PREDSTAVNIČKI/ZASTUPNIČKI DOM**  
**PARLAMENTA FEDERACIJE**  
**BOSNE I HERCEGOVINE**  
n/r Sekretara

**SARAJEVO**

**PREDMET:** Zastupnička inicijativa, odgovor – dostavlja se.-

**Veza:** Vaš akt broj: 05/1-02-75/23 od 15.03.2023. godine

U vezi sa zastupničkom inicijativom, koju vam je zastupnik Slaven Raguž dostavio, i kojom se traži „od Federalnog ministarstva pravde da uputi u parlamentarnu proceduru Zakon o utvrđivanju naseljenih mjesta i o izmjenama naseljenih mjesta u određenim općinama, a vezano za inicijativu mještana naselja Drapnići, koje se nalazi u sastavu Podorašja, kao jedinice mjesne samouprave Grada Srebrenika, a na osnovu Odluke Gradskog vijeća Srebrenika br. 01-218/21 od 17.05.2021. godine i očitovanja Odbora za pravdu i opću upravu Zastupničkog doma zaključak br. 02/18-02-1566/21 od 28.07.2021. godine“.

Federalno ministarstvo pravde daje slijedeći:

### **ODGOVOR**

Vlada Federacije Bosne i Hercegovine je aktom broj: 03-04-818/2021 od 04.07.2022. godine tražila izjašnjenje o Inicijativi za izradu i donošenje Zakona o dopuni Zakona o utvrđivanju naseljenih mjesta u određenim općinama i o izmjenama u nazivima naseljenih mjesta u određenim općinama, koju je podnijelo Gradsko vijeće Grada Srebrenik, a koja je Vladi Federacije Bosne i Hercegovine dostavljena aktom sekretara Zastupničkog doma Parlamenta Federacije Bosne i Hercegovine, broj: 01-02-1316/21 od 30.06.2022. godine.

Federalno ministarstvo pravde je Vladi Federacije BiH dostavilo Izjašnjenje o inicijativi za donošenje Zakona o utvrđivanju naseljenih mjesta u određenim općinama i o izmjenama u nazivima naseljenih mjesta u određenim općinama broj: 09-45-1958/22 od 29.07.2022. godine u kojem se navodi da nakon razmatranja Inicijative



Gradskog vijeća Srebrenik, predloženo je da se inicijativa prihvati, te da se Federalno ministarstvo pravde odredi kao nosilac izrade nacrtu zakona.

Vlada Federacije BiH je na 333. sjednici održanoj 06.10.2022. godine utvrdila na prijedlog Federalnog ministarstva pravde Izjašnjenje V. broj: 1394/2022 od 06.10.2022. godine kojim je prihvaćena inicijativa, a Federalno ministarstvo pravde se zadužuje da bude nositelj izrade nacrtu zakona.

Odredbom člana 160. Poslovnika Predstavničkog doma Parlamenta Federacije Bosne i Hercegovine („Službene novine FBiH“, br. 69/07 i 2/08) propisano je: „Inicijativu za donošenje zakona predsjedavajući Predstavničkog doma dostavlja nadležnim radnim tijelima u Predstavničkom domu i Vladi Federacije radi davanja mišljenja.

Nadležna radna tijela i Vlada Federacije dužni su se izjasniti o inicijativi za donošenje zakona u roku od 30 dana.

Inicijativu, nakon što dobije mišljenja nadležnog radnog tijela i Vlade Federacije, razmatra Zakonodavno-pravna komisija Predstavničkog doma. O sjednici Zakonodavno-pravne komisije obavještava se i podnosilac inicijative.

Zaključkom o prihvatanju inicijative Predstavničkog doma određuje se način pripremanja i nosioci izrade nacrtu zakona.

Zaključak iz prethodnog stava i zaključak o neprihvatanju inicijative dostavljaju se i podnosiocu inicijative”.

U skladu sa navedenom odredbom ističemo da Federalno ministarstvo pravde nije zaprimilo zaključak Predstavničkog/Zastupničkog doma Parlamenta Federacije Bosne i Hercegovine kojim je prihvaćena navedena inicijativa i kojim je određen način pripremanja i nosilac izrade nacrtu zakona.

S poštovanjem.

  
MINISTAR  
Mato Jozić

Dostaviti:

1. Naslovu,
2. U registar
3. Arhivi.